

宜章縣志 第十六卷

名宦志

宋縣令

雷濂長沙人淳熙九年任宜章令創縣治建學宮給廩課士啓
趙尤勤歷官吏部郎中祀名宦

吳鎰臨川人淳熙十二年知宜章縣事解除煩苛同民好惡爲
條諭以諭民又建學宮築城垣陸九淵爲之記紹熙中擢知郴

州祀名宦

趙希逾端平中任宜章縣令留心庠序舊學在飛虎召募二寨
間與介冑雜處希逾遷於城外景星觀右明初科第鼎盛猶

宜章縣志

十六卷

名宦志

歌其澤祀名宦

按先是紹定六年春正月宜章寇警時希逾知
郴縣得湖南帥寶學侍郎余燦檄領兵招捕追

戮鄧李二酋斬首六百有奇俘五十降者三千人勒石紀事於
縣東蒙巖

明知縣

李輔洪武初知宜章縣事宣布德化民心悅服凡縣治學宮壇

壝創建一新祀名宦

溫福洪武初知宜章縣事守己廉潔賦役均平流散者聞風歸

附祀名宦

馬經東光進士正統六年知宜章縣事蒞政公明興士風恤民

隱百廢俱舉祀名宦

劉寧四川簡縣人天順六年知宜章縣事增修城垣安輯流

移九載秩滿士民力爲保留祀名宦

李日春江西弋陽舉人成化十一年知宜章縣事興學校勸農
桑德政及人士民懷之

胡承業新淦舉人宏治十二年知宜章縣事詢疾苦決沉冤剛
毅果斷民咸悅服

邱雲漢六安州人正德三年知宜章縣事改砌石城功垂永久
光明正大有古人風

陳邦儀瑞昌舉人嘉靖二年知宜章縣事慈祥愷悌平易近人
尤留心學校驅虎禱雨每有奇應祀名宦

麥江號廉泉廣東番禺舉人嘉靖間知宜章縣事律己清廉折
宜章縣志

十六卷

名宦志

獄平恕行取大理寺評事復任郴州牧

黃珠莆田舉人嘉靖二十四年知宜章縣事修學造士節用省
刑裁夫馬恤里遞民立碑思之

吳繼喬廣東揭揚人嘉靖二十九年知宜章縣事清節凜然一
塵不染以下艱去民甚惜之

陳傳堯瓊山舉人嘉靖三十八年知宜章縣事改建學宮修橋
梁開通道路民受其利

黃應芳東莞舉人嘉靖四十四年知宜章縣事隆慶戊辰創修
縣志均里甲平賊寇建鄉賢名宦二祠飭預備倉善政甚多

鄒魯江西宜黃人萬曆十七年知宜章縣事勸農講學續修邑

志清屯糧善政多端

李教吉水人萬曆間知宜章縣事蒞任七載清慎如一發倉賑饑修學課士創三星橋砌龍村鳥道具棺木瘞遺殍去任四十餘年士民追思其德與後令朝邑薛綦沐陽鄭希程南海梁必登太原劉珍銅仁楊爌東莞羅宏諭並祀號七賢祠

薛綦陝西朝邑人萬曆二十九年知宜章縣事爲政持大體不事煩苛革里中浮費軫閭閻疾苦

梁必登南海舉人萬曆三十八年知宜章縣事清廉自矢執法無私

劉珍太原人萬曆四十年知宜章縣事斷獄無冤不阿上意改

宜章縣志

十六卷

名宦志

三

建學宮士民德之

楊爌貴州銅仁舉人萬曆四十四年知宜章縣事建寅賓館修濟留倉清潔之操歷五載如一日

薛之奇陝西延長人崇禎間以衡州別駕署郴並攝宜篆正直不阿清節凜然所歷皆有遺愛祀名宦

楊本厚號仁區雲南鶴慶舉人崇禎七年知宜章縣事臨藍礦賊作亂衡湘虔粵咸被其毒四省會剿之師雲集宜章本厚供資糧飭守禦賊三犯宜卒獲保全崇禎己卯增修邑志葺鬯宮橋梁道路靡不悉舉邑人德之立祠清水灣祀焉

清知縣

冷開泰山東萊州進士順治七年知宜章縣事治尚簡靜民賴
休息士有貧難赴舉者捐俸助之多所成就

黨之煌陝西三原舉人順治十年知宜章縣事清慎持己慈祥
愛人政尚簡適士民賴之

潘宏澍字雨三廣西桂林舉人康熙二十五年知宜章縣事耿
介廉潔軫恤民艱凡有征繕不忍煩民未幾忤當事去

蔣宗芝字瑞菴廣西全州舉人康熙二十八年知宜章縣事寬
洪慈愛平易近人時粵盜黃珍聚黨劫掠大爲民害宗芝親往
撫之賊感其誠詣縣輸誠者百有餘人宗芝請制憲石公開倉
賑給自是邊境帖然民賴以安後以虧空望誤民爭輸助還愛

宜章縣志

十六卷

名宦志

四

不忘

楊箴字聖與犍爲舉人康熙四十四年任宜章清廉明決在任
十年興利除弊設滾單革雜徭遷學宮創義學懲奸猾安良善
皆關大體民瘼邑人合祀清永灣與明知縣楊本厚號二楊祠
繆詵字覺軒常州江陰進士康熙五十五年任宜章廉潔凝重
人不敢干以私加意文教修葺義學延師訓迪每月親課生童
手自評定始終不勸

胡星字敬夫山東高密進士初任耒陽有循聲雍正七年任奉
公守正廉名大著士有訟者以理喻之皆感愧各解因邑解科
名卜建新南門陞郴州知州政蹟赫然尋以憂歸補任灤州轉

吏部郎中

賈構陝西鄜州舉人乾隆五十二年攝縣事剛決廉明不受私謁先以除盜安良爲務萑苻斂跡村坊安堵

衛際可號鶴村河南濟源舉人乾隆五十八年攝縣事先是宜民困於貪虐知州劉爾辛保薦來宜清積弊息誣告月兩課士於堂分別優劣親加指授改城東景星觀玉泉山爲養正書院增田百餘畝用資膏火時辰沅方用兵宜營兩次徵調需夫馬甚夥民感際可德踴躍急公不日齊集粵兵兩次過境肅然無擾曰衛侯大好官不可犯也有勸民規約十六條紳民梓行圖像其上

宜章縣志

十六卷

名宦志

五

陳永圖涪州進士嘉慶十七年以翰林院庶吉士改知宜章縣纂修縣志文獻搜羅無遺惠政尤多久於其任民盡化之

何觀海江西鄱陽進士嘉慶二十二年知宜章縣事廉潔愛士案無留牘嘗捐修縣北通衢邑人便之

揭鳳階字梧崗福建汀州進士道光四年知宜章縣事辛卯甲午兩科同考試官評文有識兩科首選皆出其門改建學宮於城東景星觀右側惠愛士民尤著循聲

邵綬名直隸大興縣舉人道光二十八年蒞任甫下車卽以砥礪人才培養士氣爲先務重建養正書院士林德之

麻維緒字竹師廣西桂林縣舉人幼曾隨其父國慶宜章營叅

將任所稔知縣中風俗利弊同治元年知縣事初下車值大饑捐廉並勸紳富協助招商購米粵境賑濟講求水利以上鄉平和洞洩水石穴隘募工鑿而廣之水患以稀又以城南長坪荒地可田良巖水有餘其源過長坪山腹欲引而出之以工鉅未就而罷修明鄭忠肅公大司馬坊忠肅公墓碑殘缺重摹上石刻之并修墓前翁仲華表春間輒步行田間勸農獎勤懲惰著好人歌以勸民語平淺易曉刊板今猶存忠肅祠善政極夥至今口碑載道

朱益濬字蕓卿江西蓮花廳人以翰林院庶吉士改官知縣分發湖南光緒十年攝縣篆聽斷明允頌聲載道在任僅數月以

宜章縣志

十六卷

名宦志

六

調簾解任去官之日沿途士民焚香祖道後升任辰沅永靖道民國初年歸隱

陳玉祥廣西樂平縣附生以軍功得知縣光緒十三年任縣事清廉自矢每鞠案輒當堂設誓有如受賄一錢即男盜女娼死不得回廣西等語廉名上聞大計卓異好察訪寄耳目於廉從時遣出外聽輿論間或爲其所欺人以此少之在任七年卒於官其子孝廉某以其婦在縣有所戀不去亦卒於此竟如誓言異已

慶瑞旗人光緒初年攝縣事善折獄鮮上控卽有輒駁回如初訊

周繼昌貴州拔貢光緒初年攝縣事至二十八年再攝縣事學
故事觀風評隲允當以糧書下鄉徵糧浮收病民詳定徵額
設櫃大堂任民投櫃繳納至今循行之是年鄉試捐廉爲赴試
士子購卷秋大疫卒於官

劉熾字仲咸安徽霍邱縣舉人光緒二十九年秋任縣事時年
六十有三喜延接士紳城鄉年高有德望者月輒折柬招飲署
中詢民疾苦創辦幼女學校及半日學堂工繪事畫入妙品取
潤筆錢助育嬰堂經費夏旱畫一龍張龍王宮致雨在任一年
百廢具舉士民刊立去思碑於縣署

論曰宜章山國田賦少平餘無多號稱瘠缺巧宦率不肯就
宜章縣志 十六卷 名宦志 七

卽就任率汲汲求去前清以資格用人法制密考課嚴未有
敢悍然冒於貨賄者聲名平常卽彈劾隨之矣民國創建銓
法未定羣流競進其來也不知所自出其去也不知何所往
得清靜無擾斯幸矣夫期月已可二年有成循良茂績固非
可期於旦暮間今則席未暖突未黔而卽解任去循謹者苦
於掣肘之多不克行其志貪污者則巧偷豪奪捆載以去自
改革以後非無循謹之吏然無足紀者 總理遺教主張縣
長民選今尙非其時也自嘉慶以後知縣無慮百餘人姓名
多不可考茲抉擇著錄於編餘列職官表

明巡檢

張懷寶四川渠縣人隆慶元年除白沙司巡檢值山寇劫掠懷寶率弓兵禦之負重傷猶奮勇殺賊賊敗遁去卒於官

清巡檢

謝德慶號小亭順天府大興人道光間任白沙司巡檢咸豐五年粵賊自樂昌犯境德慶督團勇禦之清水江陣亡卹如例

明教職

姚珏福建侯官舉人宏治間教諭沉酣典籍啓迪諸生無間寒暑數百里皆聞風就學文廟祭器神龕皆捐俸修理祀名宦蘇曰霖廣東番禺歲貢生正德間教諭持己端嚴誨人不倦署縣事二載清聲尤著

宜章縣志

十六卷

名宦志

八

于正省志作于慎江西東鄉歲貢正德訓導學問該博勉諸生以忠義處僚友正直不阿遷壽寧教諭祀名宦

胥文友四川眉州優貢嘉靖間訓導課士有法文行兼優嘉惠士林

李文雲南河西人隆慶元年教諭創修縣志嚴會課歷五載訓誨不輟

清教職

劉蒂蕙字依荷武昌歲貢康熙二十一年訓導學問博洽識鑒精明十五年勤於訓導每月課士定甲乙以示鼓勵賓興之歲集諸生肄業學宮皆捐貲供給時教諭錢奇才同心共事始終

無違蕙又捐置祭器及書籍二十八種存貯學宮以供誦習己丑邑令鹿廷瑛修邑志出入叅酌多屬於蕙

曾得魯字省齋臨湘歲貢原籍江夏康熙四十八年教諭整飭士習

設條規勤月課風範端嚴待士以禮不遺衣冠不見時有尉挾憾汚庠生魯力救之得雪羣情稱快捐建文昌閣後人因其堂

建玉溪書院

楊河字伏圖號易峯新化舉人原任茶陵州學正乾隆十九年任教諭學識鴻博盡心啟迪士子丙子修邑乘係河總纂體例精詳

楊丕嘉字松濤武陵人道光間訓導學識淵深課士殷勤始終

宜章縣志

十六卷

名宦志

九

不倦其弟丕容字梅崖同時主講景止書院善吟詩著有澹香堂詩草

胡樹珊字鏡萱武陵舉人同治間教諭善屬文好山水司鐸數年陶鎔諸生有循循善誘之風

張增俎字海珊長沙優貢同治末年補縣訓導工詩文尤工書法謹厚和藹無所不容在任十餘年

周綬榮字芸陔長沙人同治元年壬戌科解元光緒初年補縣教諭性嚴厲訓士以實行爲本其主講白沙書院有聯云白涅堅磨經百折不回要與聖賢爭本領沙明水淨羨一清如許莫教塵垢雜源頭在任十餘年與張訓導迭任養正書院講

席生童荷其裁成者甚眾

雷飛鵬字筱秋嘉禾舉人光緒二十八年調署縣訓導博通今古遠近學者負笈從遊官署至不能容兼主講栗源白沙書院發題課文手自刪削刊成知新編四冊學風爲之一變旋轉任奉天知縣民國十一年任省議會議員卒於家

明武職

柴正湖廣都指揮天順八年廣寇陷桂陽州城正自靖州晝夜兼行七日追至順頭嶺大破之時被賊俘獲甚眾多賴還全因守備桂陽創州學撫流移雅好文士有儒將風

鄧旻靖州指揮先任郴州守備有殺賊名正德間賊寇桂陽旻

宜章縣志

十六卷

名宦志

十

時家居撫院檄視兵事比至賊眾甚盛旻率兵往禦直衝賊陣血戰於雙魚嶺至太平山援兵不至遂被執賊欲降之旻罵不絕口賊怒直截其尸邑人皆隕涕事聞詔曰鄧旻守義不屈可嘉因賜諭祭今桂陽雙魚嶺有鄧公廟何孟春作詩哭之

劉寬衡州衛指揮正統間生擒賊首陳玉等獲首級一十有九功陞郴桂守備官至都司

周輔字良弼由常德衛指揮陞鼎建守備司署宜章正德間擒剿廣寇張道等四百八十人邊境晏然

李璋道州人寧遠衛指揮正德間擢都指揮守備郴桂十二年丁丑廣東象牙山賊結連西莽山賊首龔福全等大肆猖獗

璋申詳都御史秦金調三省土漢官兵會剿破其寨柵九十擒福全斬其偽總兵劉福興李仁才俘者三千人其佈陣立營探穴執訊皆璋之力甚著威名

吳時春字仁軒由貴州衛指揮陞嘉靖癸亥廣賊入成江渡春

督兵大破之於曹家山威著楚粵

按成江渡曹家山在縣南卞邑籬堡

童仲葵武進士萬曆間任郴桂守備時臨藍嘉桂礦賊來郴州大肆劫掠葵率兵敗之因募殺手防守坑塲立秀嶺營於劉家塘

吳大鼎字乾公新安武進士崇禎五年任守備初以計擒石馬塘賊首餘黨膽落九年臨藍坑徒結連溪崗猺苗眾至數萬

宜章縣志

十六卷

名宦志

十一

郴桂衡長袁吉南韶咸被其毒大鼎獻計沅虔二撫軍會四省兵集宜章合剿凡三月始平邑人立報功祠祀之

清武職

高成旦陝西葭州人順治十年任宜章營參將值粵東梅花遼水賊陷栗源堡以數千人從間道襲宜章至長坪旦先設伏羅家觀隘口邀其歸路自率兵鏖戰賊敗退伏起殲殺過半因進兵恢復栗源堡賊逼河爲陣以拒我師旦躍馬先渡敗之賊猶倚箭樓爲固旦令人各持草一束堆與樓齊焚之賊盡死因復譚王逾艮口進逼萬古金城賊計窮乞降粵寇爲害十餘年至是始平

龔宏烈字大勳巴陵人乾隆四十年任守備好儒術紀律嚴明有健兒失馬例當償將鬻子女宏烈憫其貧杖而代償曰代償私恩也杖公法也時兩金川用兵宜營從征亡者例就軍前募補多流籍糧餉存本營再更亦如之軍冊屢竄多不可究官得乾沒飽私橐吏以是探宏烈叱曰若輩棄室家捐性命肝腦塗地以報國忍以爲利乎罔上不忠背義不祥奈何不爲子孫地其後歸骨者爲營高曠塋地立石表績豐其祭物竭所存乃已任宜章凡四年後遷江寧都司

趙啓玉錢塘人候補知州從署寶慶府魁聯募兵捕斬石背洞土匪咸豐五年會廣東樂昌賊陷桂陽啓玉率楚勇平勇千

宜章縣志

十六卷

名宦志

十二

二百人破賊桂陽復其城又破仁化賊於大水嶺賊退復追賊至樂昌青草嶺賊伏起圍啓玉營營陷啓玉手刃數賊身被十餘創而亡初桂陽縣民袁班奴從啓玉當親兵營陷竊啓玉衣冠坐營門大罵賊刺班奴臠割之啓玉屍因得全照知府例賜卹當營將陷時啓玉遣急足至縣城舉烽火示民敗耗民皆走避得免於難建祠祀之

胡國安字弼臣咸豐間任參將九年廣東連州賊竄踞黃沙堡國安率兵敗之進剿連州平賊壘是年秋賊自道州走藍山入寇宜境國安督勇出禦於石子嶺扼高明舖賊大至仰攻不利次日由間道繞出其後腹背受敵所部勸國安退遁叱曰吾

抵禦一時則宜民免於難者無數何惜一死急遣人諭居民避
難師覆陣亡宜民感德建祠與趙知州啓玉合祀號胡趙二公
祠並於高明舖刊立殉難碑